# Disputatio medica, inauguralis, de apoplexia ... / Eruditorum examini subjicit Bernardus Campbell.

#### **Contributors**

Campbell, Bernard, active 1805. University of Edinburgh.

#### **Publication/Creation**

Edinburgi: Excudebant Adamus Neill et Socii, 1805.

#### **Persistent URL**

https://wellcomecollection.org/works/rn33j7ty

#### License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org

# DISPUTATIO MEDICA

INAUGURÁLIS

DE

APOPLEXIA,

# DISPUTATIO MEDICA INAUGURALIS

DE

# APOPLEXIA;

QUAM,

ANNUENTE SUMMO NUMINE,

EX AUCTORITATE REVERENDI ADMODUM VIRI,

# D. GEORGII BAIRD, SS. T.P.

ACADEMIÆ EDINBURGENÆ PRÆFECTI;

NECNON

AMPLISSIME SENATUS ACADEMICI CONSENSU, ET NOBILISSIME FACULTATIS MEDICÆ DECRETO;

## PRO GRADU DOCTORIS,

UMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

ERUDITORUM EXAMINI SUBJICIT

# BERNARDUS CAMPBELL,

HIBERNUS.

Officium medici circa hominem ægrum est sanare: -- sanatio aum ægri, est morbi, quo tenetur, in sanitatem mutatio.

GAUBII Patholog.

VIII. Calendas Julias, horâ locoque solitis.

EDINBURGI:

EXCUDEBANT ADAMUS NEILL ET SOCII.

1805.

Digitized by the Internet Archive in 2020 with funding from Wellcome Library

#### FRATRI SUO

# JOANNI AUGUSTO CAMPBELL,

LEGIONIS 58væ CHIRURGO;

OB

SUMMAM DILIGENTIAM,

QUA,

BONIS DISCIPLINIS MORIBUSQUE,

SE SEMPER INSTITUENDUM

CURAVIT:

HASCE STUDIORUM
IN MEDENDI SCIENTIÁ
PRIMITIAS,

AMORIS

ANIMIQUE GRATI SEMPITERNI

TESTIMONIUM PEREXIGUUM

EA, QUA DECET, PIETATE ET AMICITIA,

FRATER AMICISSIMUS
BERNARDUS CAMPBELL.

DOWNING VACOR DEFECTIONS

OLITHO VACOR DEFECTION

OLITHO VACOR DEFETTION

OLITHO VACOR DEFETT

THE STREET

MATTER MATTER MATTER

AUD

A SHORM TROST STREET, STREET

and the state of t

here namedado

ATTRACTOR THE MERCHANIA ME

PARTIMET.

STAGES

the strain and accommend

CHOIGA THE RESERVE OF CASE AND

PERSONAL PROPERTY OF A PARTY OF A

LINE TO A A STREET AND A STREET

NECNON,

PATRUO SUO

OPTIMO ET SPECTATISSIMO,

## ARTHURO CAMPBELL,

EX COMITATU ET OPPIDO LONGFORDENSI,
ARMIGERO,

ANIMI INTEGRITATE,

MORUM SUAVITATE, ALIISQUE VIRTUTIBUS

QUÆ VIRUM ORNARE POSSUNT,

IMPRIMIS CONSPICUO,

PROPTER

PLURIMA ET UTILISSIMA BENEFICIA
IN SE ET FRATRES SUOS

COLLATA;

HANC DISPUTATIONEM INAUGURALEM

QUALEMCUNQUE,

AMICITIÆ ANIMIQUE PLURIMUM DEVINCTI

MONUMENTUM PERLEVE,

DEDICAT

B. CAMPBELL.

RECKOK,

OUR COMMAN

COMPANIA IT OMILIO

JIBETMAD GRUMTEA

Trungs of 5401 of British Parket British

ONE STREET,

AMENI INTRODUCTALE.

CHRITUTALY SUDSLILLA STATISAND HUMON

COMPANIES CONSTRICTED

BELLE LEE

PERKINA NO PERISSINA DENCRICIA

THE STREET STORY

MAIATODIANT METOTRATURES ARABI

PROBLETS BURELOWS AND INCHES INTRODUCE.

MONUMENTON PERSONS

TANGEG

LURYMAN A

## DISSERTATIO MEDICA

#### **INAUGURALIS**

DE

# APOPLEXIA.

## HISTORIA MORBI.

LIC morbus variè a variis auctoribus nuncupatur; veluti, Ictus sanguinis, Morbus attonitus, Nervorum resolutio, Sideratio, Percussio, Græcè Αποπληξια. Hæc omnia nomina subitum et sæpè improvisum morbi impetum designant; nam qui hoc malo correpti sunt, quasi fulmine percussi, improvisò concidunt et resolvuntur: hinc adstantes,

A

naturæ.

naturæ mali ignari, prostratos humi sideratos esse existimabant. Cullenus illustrissimus hunc morbum in Classe Neurosium, Ordineque Comatum ponit, et sic breviter definit: "Motus voluntarii ferè omnes imminuti, "cum sopore plùs minùs profundo, superstite motu cordis et arteriarum \*."

Apoplexia, ob diversas mutabilesque quas induit formas, multis obscuris vixque explicabilibus difficultatibus premitur; modò subitò et quasi fulmine tactus prosternitur æger, modò cum signis paralyseos plùs minùsve generalis, sensim et pedetentim obrepit. Varia symptomata graviora, accessionem insecuturam indicantia, plerumque prægrediuntur: qualia sunt, torpor, hebetudo, languor, lassitudo, sopor, animi tarditas, subindè vertigo, dolor capitis, somnolentia, epistaxis, &c. Hæc indicia sæpè sæpiùs subitum impetum præsagiunt, verum haud rarò per menses nonnullos imò annos ante paroxysmum apparent. Pulsus validiores, frequentiores velocioresque evadunt.

<sup>\*</sup> Synops. Nosolog. Method. gen. xlii.

dunt, sudores super frontem profluunt, tinnitus aurium, et interdum fugax audiendi depravatio, gravitas, vel absentia, adsunt.

Visus quoque obtusus, depravatus, nunc duplex, nunc confusus, fermè evanescit, non vitris oculariis restaurandus; aliàs muscæ volitantes, fulgores, scintillæ, circuli flammei, ex oculis dimanant; aliàs macularum nigrarum, vel diversorum colorum simulacra, conspiciuntur. Gustus et olfactus nonnunquam vitiantur, aut omninò abolentur, adeò ut suavissima aut acerrima et rancidissima non percipiuntur: Doctissimus Gregorius, hos sensus depravatos, tumore vel carbunculo super collum orto, redintegrari testatur.

Haud rarò aliquas corporis partes, artum unum, veluti pedem, brachium, digitum, palpebras aut linguam, resolutas, vel paralyticas, quasi paroxysmi prodromos, conspicimus.

Memoria, quamvis antehac tenacissima et validissima, ingravescente morbo, depravatur, ita ut de rebus judicare, eas in memoriam revocare, ibique detinere, contemplari, ordine

ordine olim illis proprio, aut more aliis solito, nequeant. Aliàs memoria mirabiliter alienatur, fermè incredibile dictu, rerum reminiscendi facultatem ex integro corruptam esse, nominum harum ipsarum rerum sanam inviolatamque manere. Noster celeberrimus Professor anteà nominatus, hoc prodigium multis pulcherrimis exemplis illustrat : narrat, mulierem rerum nomina apprimè reminiscentem, ex mente prorsus effluxisse, se filioli sui matrem fuisse: alium, jentaculi sumpti oblitum esse: alium, memorià rerum sanà integraque, de earum nominibus maxime ordinariis incertum hærere, et semetipsum conatibus variis ad ea revocanda exprimendaque defatigare: porrò, mentis depravatio et paralysis nonnunquam alternare observantur, adeò ut altera superveniens alteram removet.

Ingruente autem paroxysmo, symptomata præfata ingravescunt; auditus deletus, confusus aut nullus est; oculi turgent, caligant, madent, et lachrymas effundunt; incubus constanter molestat; querelæ terrificæ et insomnia formidolosissima vexant: Lingua balbutit, mussitat, sonos non intelligendos aut nullos edit;

edit; extremitates inferiores debiles eveniunt, æger ulterius pedibus insistere non valens, ad alterum latus vergit, ociùs aut seriùs, sensûs motûsque expers, lapsursus; collum, faciesque tumescunt, nigrescunt, aliquando plùs minùsve sanguinis e naribus erumpit; nausea et vomitus aliquoties urgent.

Paucioribus vel pluribus horum symptomatum præeuntibus, paroxysmus immaniter invadit, inter quem incipiendum, progrediendum terminandumque, quædam aut omnia symptomata prædicta graviora fiunt.

Sopor nonnunquam, imò potiùs semper, profundus adest. Sensus externi, licèt stimuis acerrimis admotis, prorsùs impares functionibus peragendis manent; musculi potentistimos stimulos parùm agnoscunt. Attamen noc non est perpetuum: dantur enim exempla, in quibus musculi stimulis afficiuntur; n quibus ægri omnibus fermè sensibus gaulent; modò musculi totius vel unius lateris faciei resolvuntur; lingua, quando exseritur, versus latus affectum pellitur. Oculi semiperti turgidi, sæpè hærent, aliàs strabismo enormiter

enormiter divelluntur. Color faciei magnoperè variatur, nunc purpureus, nunc niger et obscurus, sæpè naturam non deserens. Spiritus plerumque difficilis et abnormis est.

Sæpè corpus convulsionibus generalibus, sæpiùs partialibus, aliquando nullis aut levissimis, et musculos paucos tantùm afficientibus, agitatur: multis in exemplis, alterum corporis latus convulsionibus laborans, alterum paralysi miserabiliter inutile redditur.

Pulsus arteriarum admodum inordinati mutabilesque observantur: ineunte paroxysmo, frequentiores, fortiores; provectoque, debiliores, tardiores, nonnunquam intermittentes; versus finem, aucta pressura brevi iterum vigent, et ad ingentem frequentiam, supraque normam naturalem ascendunt; magis adhuc et diutiùs, pressura aucta, se iterum magnoperè submittunt, usque ad viginti vel nonos ictus in horæ minuto, ut aliqui testantur.

Tandem gutture paralysi correpto, devorandi potestas minuitur, vel omninò amittitur; sphincteribus quoque resolutis, urina et fæces, propter paralysin vesicæ et intestinorum, modò retinentur, modò præter voluntatem elabuntur. Nunc omnia in pejora ruunt: morte vitæ arcem obsidente, morboque lethali evasuro, corpus gelidis sudoribus inundatur, os spumis copiosis impletur, sæpè sanguis ex naribus, ore, auribus, aut quà data porta, ruit. Venit summa dies et inevitabile tempus; æger anhelus, desiturus, vitam efflans, in mortis amplexus evanescit.

Hic morbus non tam infaustè aut subitò semper terminatur; vel in stuporem, judicii memoriæque læsiones, hemiplegiam aut statum morti haud absimilem, sæpenumerò desinit. Ego ipse vidi hominem per spatium semestre soporosum et cadaveri simillimum; alvum, licèt medicamentis fortissimis adhibitis, per duos menses ante mortem, non deponebat.

### DIAGNOSIS.

Duæ hujus morbi sunt species, sanguinea, nempè, et serosa, neque temperamento, symptomatibus

anatomico, internoscendæ; communes causas agnoscentes, eandem medendi methodum postulant; causæ prædisponentes et occasionales, prout graviores levioresve, alterutram producere valent.

Speciem serosam idiopathicam inter et symptomaticam, magnum intercedit discrimen; hæc temperamento leucophlegmatico, faciei pallore aquoso, corporis flacciditate et diathesi hydropicâ, insignis, facilè dignoscitur. Porrò, hic morbus producitur ischuriâ renali, quæ discernitur doloribus, suppressione urinæ, et effectus præcavendus curandusque, tantum morbum primarium summovendo.

A syncope distinguitur, quia hæc cordis anxietate et languore inusitato ingruit, pulsus arteriarum et respiratio mirum in modum debilitantur, ut vix percipi, aut adstantibus videri, nequeant; sæpissimè penitùs suspenduntur; facies corporisque superficies pallescit, frigescit. Desuper in Apoplexia sensus et motus, in Syncope actio cordis et respiratio, primario, afficiuntur.

Hanc inter et bysteriam diagnosin indicant, lateris dolor et plenitudo, canalis alimentarii perturbatio, globus hystericus, qui circum abdomen fremit, versus ventriculum faucesque ascendit, ibique strangulat, copia urinæ limpidæ paroxysmum præcedens; præterea hoc malum mulieribus peculiare est.

Epilepsia ab hoc dijudicatur aurâ epileptica, convulsionibus generalibus, etiamsi unum
latus in apoplexia interdum convulsionibus
agitatur, unde epilepsiæ suspicio oriri queat;
attamen rarissimè tam generales tamque vehementes sunt, quàm epilepsia contingunt;
hæc in apoplexiam frequenter desinit, tunc
eadem remedia, eandemque curationem, postulat.

## CAUSÆ PRÆDISPONENTES.

NATURAM constante, æquabili definitoque rivo, cerebrum fovere, irrigare, maximâ curâ designâsse, non solum ex conformatione capitis et flexu foraminum, verum etiam ex

vasorum cranium ingressorum cursu sinuoso, fabrica et commercio, constat. Proculdubio provida rerum Parens hanc structuram mirabilem, cursum sanguinis æquabilem et constantem, evolutionem vasorum capitis antè alia, et incrementum cerebri et cranii, pro rata parte, majus maturiusque, non alio consilio designavit, quàm ad necessariam quantitatem sanguinis recipiendam et detinendam; verùm multa variaque hunc ordinem naturæ pulcherrimum et nobilissimum interrumpunt; nimirum, quæcunque sanguinem nimia vi versus caput adigunt, aut ejus regressum impediunt, legibus Naturæ latis haud violandis improbè adversantur, et morbos exitiales, vel ad hos proclivitatem, invitant. Porrò, nonnullæ conditiones hæreditariæ, aut præterita vita luxuriose actà, collectæ, corpus morbo opportunius reddunt; hæ ad ætatem provectam occultè delitescunt, tunc temporis debilitate, senectute et luxu progrediente roboratæ, apertè prodeunt, corpus debile, mancum, impar prælio aggrediuntur; sæpè maturis subsidiis repellendæ, sæpiùs indomitæ victores evadunt. evadunt. Hæ corporis conditiones præcipuæ sunt, ætas ingravescens, caput magnum, collum breve, obesitas, nimia corporis
plenitudo, ebrietas frequens, obstipatio continua. Nunc de his ordine pauca dicemus.

Ætas ingravescens.-Hic morbus juniores rarissimè invadit, et quamvis res aliter se haberent, generalem legem non infirmaret, fermè semper ætate provectos, istos præsertim, qui sexagesimum annum compleverunt: Hâc ætate enim, et ab initio, arteriæ profundiùs hærentes, pressurâ partium incumbentium, vi continuà contrahendi, sanguinemque propellendi, venis densiores, firmiores, evadunt; hæ laxiùs in superficie corporis positæ (quamvis primâ ætate arterias densitate et rigiditate superabant) nunc dilatantur, majore sanguinis copià arteriis pro rata parte implentur, et nonnunquam præter naturam distenduntur; itaque aliarum partium musculosarum adinstar, demum paralysi affectæ sunt. Hoc, in capite, aliis partibus faciliùs accidere debet, ubi vasa, pressurâ, a partibus circumdantibus, ad sanguinem promovendum, et valvulis valvulis ad ejus regressum impediendum, carent. Ætate quoque provectiore, machina nostra varias gravesque mutationes subit; nunc mala a juvenili luxu nascentia diu in occulto latentia, insidiosè ingruunt; nunc partes solidæ rigescunt, parva remotioraque a corde vasa concluduntur, sanguine idcirco in vasa interiora magna propulso; plethora ad spatium inducitur: Nunc vires moventes labefactæ, ad machinam sustinendam, vel sanguinem promovendum, vix valentes, ab omni latere dilabuntur. Hic virium moventium defectus clarè indicatur, statu mentis, hæc lætitiæ, temeritati, omnibusque gaudiis juvenilibus, Veneri etiam ipsi, semel gratissimæ, suavissimæ, valedicit; tarda, caliginosa, et valdè provida, evenit. His ritè consideratis, nemo senectutem huic morbo procliviorem esse dubitabit.

Caput magnum,—habitum robustum, plethoricum, majorem fluidorum copiam, plerumque indicat; hac de causa, major copia sanguinis ad caput deferri, et in eo contineri debet; tamen nihil mali inde oritur, dum vasa

laxa

laxa vi distendenti facilè cedunt; verùm senectute, vasis densioribus factis, periculum timendum et præcavendum est.

Collum breve.—Circuitus sanguinis prope cor velocissimus et fortissimus est; idcircò sanguis e corde emissus in cerebrum viciniùs solito positum, inusitatà vi et velocitate impellitur, et ad vasa infirmanda, cerebrumque vitiandum, haud parùm confert; venæ quoque jugulares breviores solito, nec pari ratione dilatandæ, sanguinis plenum et liberum regressum aliquoties retardant; præcipuè inter caput ad unum vel alterum latus, rotandum; area harum magnoperè minuitur, vel prorsùs deletur.

Obesitas.—Tela cellulosa, cutem inter et musculos, omentum et renes, sunt præcipuæ adipis sedes. Quando hæc interstitia adipe præter naturam referta sunt, vasa per hanc telam transeuntia, nimiâ adipis abundantiâ concluduntur. Eâdem causâ, liber cursus sanguinis per vasa visceraque abdominalia, liberque descensus diaphragmatis inter spirandum impeditur: hoc modo fluida ab tota superficie,

superficie, ab toto abdomine, versus interiora adipe experta, nimirum versus pulmones et cerebrum propelluntur. Hinc obesis pulmones laborant; hinc minima exercitatione anhelosi evadunt; hinc vasa encephali implentur, distenduntur, rumpuntur.

Corporis plenitudo nimia, primaria, et quasi præcipua, morbi causa habenda est. Cæteræ hanc, ad suum effectum producendum, tantùm adjuvant; nam hac amotâ, cæteræ ab omni parte dilabuntur, restituta, viribus vix debellandis iterum enixè premunt. Hujus vitii causæ sunt, suppressio omnis generis exinanitionum solitarum, hæmorrhagiæ sive naturalis et spontaneæ, sive artificialis, præsertim hæmorrhoidum; vita sedentaria, dieta lauta, et omnia alia, quæ ad excretiones cohibendas et fluida augenda conferunt. Via, quâ, pleræque harum causarum plenitudinem inducunt, omnibus innotescat. Quando vasa hæmorrhagiâ deplentur, humor reliquus in vasa grandiora retrocedit; tunc parva remotioraque nimirum excernentia constricta fiunt, neque vi distendenti fluidorum nutrimento indies indies sumpto restitutorum facilè cedunt; unde fluida dissipanda detinentur: hinc ratio redditur, cur magna jactura sanguinis tam brevi restituenda, sæpè certo tempore reversura, tunc, si suppressa, forsan morbos vitæ infestissimos inductura.

Ebrietas frequens, inordinatam sanguinis copiam capiti propellendo, et vasis encephali proclivitatem ad actionem abnormem dando, magnoperè nocet; rubor oculorum et eruptiones super hominum temulentorum faciem, hanc nimiam determinationem ad caput planè ostendunt.

Obstipatio continua valdè nociva consideranda est; etenim inter fæces induratas ejirciendas, summà musculari vi et plenà inspiratione utimur, quo nisu sanguis versus caput colligitur. Hoc modo obstipatio huic morbo homines obnoxios reddit, et obnoxios sæpenumerò cità morte rapit. Graviditas in eodem modo operatur, et frequenter fæminæ in ipso nixu fætum enitendi convulsæ pereunt.

## CAUSÆ OCCASIONALES.

Morbus sæpè improvisò invadit, vel nullà causà occasionali admotà, vel saltem valdè obscurà et vix percipiendà. Verùm sæpiùs hæ satis manifestæ sunt, et morbus præcavendus est, tantùm eas evitando. Harum præcipuæ sunt, exercitatio vehemens, animi affectiones, calor externus, crapula, ebrietas; omnis corporis situs cursui sanguinis per arterias favens, ejus reditum per venas impediens; ligaturæ circa collum, cervix subitò vel diu rotata, polypi circa cor: de quibus nunc ordine.

Exercitatio vehemens.—Actio musculorum justa ad sanitatem promovendam conservandamque, imprimis necessaria est; attamen quando nimis vehemens sanitati duplice modo improbè adversatur, primò, omni conamine violento, musculi contrahuntur, vasa subjacentia exprimuntur, et sanguis majore vi et copià ad caput dirigitur, quà vasa liberiora et pressione magis immunia præ omnibus aliis exis-

tunt.

tunt. Prætereà, omnem nisum vehementiorem inspiratio plenior et longiore temporis intervallo iterata comitatur, quæ non solum sanguinis' cursui per pulmones obstat, sed eundem insigni vi versus caput expellit, et ejus reditum per venas præcludit. Ab hac actione vehementiore effusiones sanguinis nonnunquam e naribus et vasculis faciei eveniunt. Haud absimile videtur, effusiones similes intra cranium aliquoties accidere. Omnes pulmonum nisus, loquela fortior, instrumentorum musicorum inflatus, tussis, sternutatio, oscitatio, risus, fletus, aliquando apoplexiam excitant; nam omnibus his causis motus sanguinis præter solitum intenditur, transitus per pulmones et regressus a capite impeditur.

Animi affectiones.—His, præcipuè excitantibus dictis, nempè, irà, gaudio, libidine, non solum hic morbus sed insania vel inevitabilis mors aliquando inducitur. Omnes hæ, præsertim ira, genus nervosum et vasculosum præter naturam pariter stimulant. Collum et facies rubescunt, tumescunt, et similes inordinatæ determinationes internè expectandæ sunt. Calor externus,—utrum a turba hominum, balneo tepido, vel quocunque alio fonte oritur, quando in excessu, non solum huic morbo obnoxiis sed vel sanissimis magnoperè nocet, fluida rarefacit, totum corpus stimulat, somnum profundum allicit; hinc status apoplexiæ haud absimilis, sedentibus coram splendido foco obrepit: nec morbo proclives, et qui habitu plethorico sunt, sine summo periculo calori etiam modico objiciuntur: balneum tepidum imprimis obest, igitur cautissimè evitandum; plurimi enim dum immersi, morbo correpti, subitò corruerunt.

Crapula.—Quando stomachus nimio cibo impletur, aortam descendentem premit, itaque circuitum sanguinis per abdomen et pulmones quoque, eorum liberum descensum impediendo, prohibet: insuper, post cibum imprimis ex carnibus, motus sanguinis intenditur, torpor et somnolentia ingruunt; nec desunt exempla plurima helluonum, pleno et benè referto stomacho, huic mundo valedicentium.

Ebrietas.—Hanc, inter causas prædisponentes enumeravimus; inter excitantes etiam haud immeritò immeritò enumeranda: in minori gradu, hunc morbum frequentissimè excitat; verùm in excessu, vitam subitò sæpè extinguit, et quædam apoplexiæ species existimanda est, quæ, vim et mobilitatem nervorum amovendo, congestioni et effusioni in capite favet. Memoriæ defectus, qualis dementibus contingit, extremitatum et linguæ paralysis, sensuum externorum depravatio, et status totius corporis soporosus, cadaveri similis, hoc satis superque docent.

Omnis corporis situs cursui sanguinis per arterias favens, ejus reditum per venas impediens, studiosè evitandus est: imprimis capitis longa inclinatio, vel decubitus cum capite humili, maximè officiunt. Hoc situ, caput dolore, facies tumore, rubore, oculi effusione lachrymarum, mens sæpè atrâ oblivione, afficiuntur: nec sanissimi inclinationem capitis impunè longè tolerare possunt.

Ligaturæ circa collum,—venas in superficie arteriis laxiores hærentes comprimendo, regressum sanguinis liberum impediendo, actionem arteriarum, propter occlusum venosum aditum,

aditum, augendo, multum nocent. Cervicis rotatio minime negligenda est: quò crassior et brevior cervix et persectior rotatur, eò majus periculum timendum.

Polypi circa cor.—Hæ concretiones sanitati et vitæ infestissimæ, post mortem circa cor et partes vicinas, formâ et magnitudine variæ, reperiuntur; et viam, sine ulla prædispositione hæreditaria vel acquisita, variis capitis aliarumque partium morbis, præcipuè apoplexiæ, sternunt.

#### CAUSA PROXIMA.

CERTAM sensorii nervorumque conditionem quâ, vires, a quibus motus sensusque pendent, multùm imminuuntur, vel prorsùs abolentur, proximam hujus morbi causam esse, omnes consentiunt. Hæc morbosa conditio duplici in modo produci queat: compressione cerebro, nervorum origini, præter naturam, illata; vel viribus sedantibus corpori admotis.

Cerebri pressura, apoplexiam gignens, variis in modis producitur:

- deprimente.
- 2. Tumoribus, mollibus, aut duris et osseis, intra cranium generatis.
- 3. Accumulatione sanguinis in vasis cerebri.
- 4. Sanguinis vel seri effusione intra cranium, vel in diversis partibus cerebri.

De duabus posterioribus causis tantum tractabimus, priores duas chirurgo relinquentes.

Inter pathologos nuperrimè disputatum est, de modo, quo hæ causæ apoplexiam proximè gignunt: nonnulli cerebrum, talem humorum accumulationem pati, vel comprimi posse negant, dum substantia cerebri sana, dum cranii parietes immoti, manent. Alii, ex consideratione lædentium et adjuvantium, eorundemque modi operandi, ex syncopes causis et curatione, ex sectionibus Morgagni aliorumque, denique ex methodo excitandi medendique apoplexiam, paralysin, epilepsiam et maniam, longè aliter sentiunt. Multæ vires sedantes

sedantes et venena narcotica existunt, quæ parvâ quantitate corpori admota, vel in idem recepta, proximam apoplexiæ causam et sæpè mortem inevitabilem inducunt. Hujusmodi sunt opium, alcohol, hyoscyamus niger, et multa alia vegetabilia venena; vapores mephitici, gas acidum carbonicum, vapores hydrargyri, plumbum, aliaque metallica venena; quibus, vires frigoris sedantes, cerebri concussiones, ictus electrici, et quidem animi affectus, imprimis pathemata deprimentia, annumerari possunt. Varii venenorum operationem variè explicare conati sunt; sed quomodo in cerebrum, vel nervos agunt, quas mutationes in corpore gignunt, me prorsus ignorare, libenter fateor; et eò magis agnosco, quoniam ingenii tenuitas, aliter agere vel iter non satis exploratum temerè ingredi, omnind vetabat: etenim multa experimenta et observationes ad nostram caliginem fugandam, ad veram theoriam, tam de his, quàm de aliis rebus, ad proximas causas spectantibus, fundandam, adhuc desunt; et reverà multæ corporis vivi actiones, vix experimentis

perimentis aut ratiocinio cognoscendæ sunt. Liceat mihi gravissimi verba auctoris hac de re citare et transcribere. " Causam ve-" rò proximam quod attinet, ipsa ejus notio " generalis, si non prorsus falsa, saltem con-" fusa admodum est, et obscura, et temerè a " rebus abstracta." Et aliàs: "Morbus enim " non est unus et simplex eventus vel muta-" tio, qualem in rebus inanimatis contempla-" ri solemus, et effectum vocare; sed series, " sæpè longa, talium eventuum vel muta-" tionum; quorum aliæ aliis causæ videntur " esse." Et alibi de eadem re loquens : " In-" est enim corpori vivo principium aliquod " mutationis, simile quodammodo illi quod in " herbis observatur, et longè alienum a natu-" ra materiæ inanimatæ ægrè definiendum, " nondum ea qua par est diligentia et accura-" tione exploratum, vitale principium haud " ineptè nominandum, cui vix minus quâm " causis vulgò observatis tribuendæ sunt " plurimæ mutationes, tam morbosæ quam " salutares, quæ corpori contingunt \*.".

PRO-

<sup>\*</sup> GREGORY, Conspectus, vol. i. pag. 27.

#### PROGNOSIS.

Hæc, theoriâ expers, cui parùm fidendum est, experientià et observatione, optimis ducibus, innititur. Etiamsi verum est, Opificem rerum providum, visibus nostris multas res negâsse, prognosin veram et certam sibi servâsse, cui soli sine errore prævidenda est, et nostram semper lubricam, et erroribus obnoxiam esse. Veruntamen æquè certum est, eum mentem humanam divina arte ita fabricasse et instruxisse, ut illa a circumstantiis et rebus præteritis benè contemplatis, in morbis non secus ac in aliis rebus, conclusiones sibi utilissimas ducat, et futura secunda aut adversa frequentissimè ad amussim prædicat; reverà nobilis facultas, quâ pericula minitantia removentur, et omnia necessaria tempestivè suppeditantur. Hic morbus rarissimè sanatur; etenim quamvis primus impetus repellitur, tamen proclivitas mala seriùs aut ociùs lethalis evasura, relinquitur. Eventus præviden-

dus est ex consideratione symptomatum antecedentium, causarum prædisponentium et excitantium, ex duratione et violentia paroxysmi, et ex effectu remediorum; quò junior æger, quò minus vires luxu fractæ, quò mitiora symptomata, minor prædispositio, brevior et mitior paroxysmus, utilior effectus remediorum, et minus obtunduntur sensus; ed major spes expectanda est. E contrà, si æger ætate provectior, si senio et luxuriâ labefactus, si prædispositio fortior, paroxysmus formidolosior, et effectus remediorum parvus aut nullus, spes nostra lubrica consideranda est : quò plùs sensus obtunduntur, motus minuitur, respiratio laborosior et difficilior evadit, eò magis periculum imminet: quando sudor frigidus super corpus erumpit; quando sphincteres ani et vesicæ resolvuntur, et guttur paralysi afficitur, nunc de ægroto conclamatum est.

# RATIO MEDENDI.

Duæ indicationes in hoc morbo semper proponuntur:

1mò, Morbo minitanti occurrere. 2dò, Paroxysmum præsentem tollere.

PRIMA INDICATIO, linguâ medicorum, PROPHYLAXIS nuncupatur, optima et efficacissima curationis pars existimanda, in apoplecticis tractandis semper summâ industriâ colenda: Vasa enim semel rupta aut distensa,
et tono suo orbata, faciliùs posteà impulsui
graviori cessura sunt, et proclivitatem malam, debilem, vix depellendam adipiscuntur.
Maximi momenti est, ad morbum præcavendum, causas occasionales benè scire, perpendere et evitare, quarum complures suprà enumeravimus: Omnes res, functiones vitales,
animales vel naturales, turbantes evitandæ:
Omnes res præter naturam in corpore ipso
observandæ,

observandæ, vel sensibus nostris, vel querelis ægroti detegendæ, removendæ sunt; imprimis prædispositio, quæ plerumque ex statu plethorico pendet, tollenda vel saltem corrigenda est. Hic finis absolvitur, sanguinis detractione, medicamentis catharticis, setaceis et fonticulis, diætâ parcâ, et exercitátione.

Nullum, in exemplis gravioribus, remedium, sanguinis detractioni anteponendum, cujus tempestivo usu vasa perfectissimè deplentur, nimia plethora, et paroxysmus inde insecuturus, statim amoventur: tamen hæc in exemplis gravioribus tantùm utenda; nam corpus debile, laxum, reditui morbi et plethoræ obnoxium reddit: in casibus levioribus, ubi vita non tam magnoperè periclitatur, vel quando de sanguinis detractione ancipites hæremus, hirudines temporibus admotæ, vel occipitis scarificationes, nostro consilio respondebunt.

Cathartica in hac parte prophylaxeos meritò recensentur: peculiari potestate sanguinis cursum a capite avertendi gaudent: sed ex his, quæ laxantia dicuntur sola admittenda: acriora vel drastica, sanguinis circuitum accelerando, totumque corpus stimulando, multùm nocent. Igitur, nisi alvi depletio valdè desideratur, ad paroxysmum minitantem arcendum, nunquam adhibenda sunt, et tunc etiam in portionibus parvis sæpè iteratis, ne vomitus moveatur. Ut alvus laxior retineatur, aquæ laxantes minerales, durante æstate, intra fines præscribendæ; nimiâ evacuatione, quâ corpus labefactatur, semper evitandâ.

Setaceæ et fonticuli alicui capitis parti admotæ, ad plethoram minuendam, et determinationem a capite avertendam, multûm prodesse videntur. Usus earum antiquis ipsis haud ignotus, sed hodiernis familiarissimus; quarum ope multos morbos capitis sanant, et ex testimonio medicorum haud parvi nominis, levamen summum ex iis expectandum est. Tonsura capitis, aëra frigidum, et lavationem aquâ frigidâ admittendo, apoplexiæ obviam ire pollicetur.

Diæta opipara omnigena, præsertim carnes, condimenta, et aromata stimulantia, quorum usu, corpus nimis stimulatur, nutritur et pinguescit, sedulò vitanda sunt: cibus ex frugibus conflatus, corpus neque nimis nutriens aut nimis debilitans, tantùm concedi debet. A potu meraciore, vino et liquoribus spirituosis, abstinendum est.

Ebrietas, minimo gradu, infanda mala apoplecticis procreat, et magis quam mors fuganda est: at cerevisia tenuis, pro potu communi, sicut alvum leniter laxans, aquæ, alvum astringenti, anteponenda videtur. Hæc, ætate provectioribus, diætæ lautæ et potui meraciori assuetis, nimis rigidè, minimè præcipienda; enim solitus stimulus e corpore detrahi, sine magno incommodo nequit; cujus detractione, vires moventes sopiuntur, circulatio languida evadit, et omnia alia mala nascuntur. Itaque in hujusmodi casibus, cibus ex carnibus compositus cautiùs et parciùs sumendus est, quia tali cibo corpus pinguescit et stimulatur: cœnæ ex his paratæ omninò prohibendæ; nimia vel modica ventriculi repletio, corpore erecto

magnoperè nocet; igitur omnibus constabit, horâ somni, propter situm corporis, talem repletionem pejorem et magis lethalem futuram. Meri pauxillum, huic quotidie assuetis, ad vim vitæ sustinendam, cautè concedi debet: neque profectò melius aut certius datur remedium, quàm temperantia, ad morbum fugandum; his luxuriæ deditis difficillima, verùm bonâ et firmâ indole, indies facilior, donec tandem, valetudine convalescente, gratissima evenit.

Somni excessus quoque vitandus est; corpus crassum, torpidum reddit; excretiones et secretiones imminuit; unde plethora, obesitas, impotentia, et innumera alia mala originem ducunt; prætereà somnus cum capite humili, et multis ponderosis stragulis, imprimis obest.

Nicotiana, quæ, vi ejus narcoticâ, totum corpus laxat, debilitat, et circulationem tardat, minimè usurpanda est, saltem parcâ manu permittenda, et iis tantum qui eâ per longum tempus utebantur; ne suppressio evacuationis solitæ, sanitati adversissima esset, caven-

dum

dum est, ne sternutationem moveat, quæ semper multùm officit.

Exercitatio, ad fluida versus superficiem revocanda, secretiones et excretiones promovendas, obesitatem et plethoram minuendas, utilissima et efficacissima videtur; in excessu, verò, malum est, et lethalia mala sæpissimè producit; corporis calorem intendit, respirationem accelerat; hâc ratione haud rard causa morbi excitans existit; ideòque obesioribus, ætate provectis, morboque valdè obnoxiis, minimè convenit: his gestatio in rheda vel equo usurpanda, quâ viribus nactis et roboratis, ad conamina majora utilioraque suscipienda, aptiores fiunt : donec tandem ambulare, et semetipsos sub dio exercere, valeant. Exercitatio debet esse crebra, de tempore in tempus intermissa, talis, qualis recreat, non debilitat; quæ sapienter usurpata, et satis diu continuata tandem effectum optatum efficiet.

SECUNDA INDICATIO,—Paroxysmum præsentem tollere.

Paroxysmo astante ægro situ erecto posi-

to, ejus vestes sine mora exuendæ, fenestræ et ostia aperienda sunt. Cavendum simul ne æger circumdetur turbâ hominum, quâ aër calefacietur, unde periculum augetur.

Sanguinis detractio, veluti præstantissimum et utilissimum auxilium præbens, statim utenda est. Sanguis ex duabus venis jugularibus, vel ex arteriis temporalibus, vel denique ex quavis corporis vena, quæ faciliùs incidi potest, mitti debet. Verùm incisione venarum jugularium major copia citiùs effunditur, vasa encephali meliùs et efficaciùs deplentur, ideò levamen promptiùs acquiritur. Hæ enim venæ omnem sanguinem a capite reducem vehunt, et eundem effundere faciliùs et promptiùs quàm remotiores ramuli possunt. Sanguis primà vice, largè et copiosè educendus est: Nam parvæ et repetitæ detractiones non tantùm valent.

Sanguinis missio topica, eodem tempore minimè omittenda est; hæc hirudinibus, scarificatione, et cucurbitulis cruentis, efficitur; verùm hirudines sanguinem tardiùs detrahentes, scarificationi postponendæ sunt. Haud silentio silentio prætereundum est, uno latere magis qu'am altero laborante, detractionem è latere sano magis idoneam, magisque profuturam esse.

Cathartica medicamenta, stomachum et intestina deplendo, magnam fluidorum quantitatem ex his eliciendo, et revulsionem a capite faciendo, proculdubio multum prosunt; et semper cum detractione sanguinis conjungi debent; at si devorandi facultas non supersit, enemata fortiora injicienda sunt; etiam in hoc statu corporis torpido, validissima sine periculo vomitum ciendi adhiberi possunt.

Vesicatoria magnâ vi proclivitatem ad hæmorrhagiam tollendi, cursum sanguinis a partibus internis versus externas dirigendi, pollent; igitur maximo commodo alicui capitis parti, imponi possunt.

Emetica in hoc stadio morbi minimè idonea videntur; etsi plurimi ea jubent ad stomachum nimio cibo gravatum evacuandum: sed vix bonâ ratione; reverà hic finis meliùs et multò tutiùs absolvitur, medicamentis catharticis. Actione vomendi, motus sanguinis ultra modum versus caput intenditur, et ejus regressus impedità respiratione retardatur. Sufflatio vasorum colli, sanguinea suffusio faciei, effusio lachrymarum ex oculis, profluvium sanguinis nonnunquam ex naribus, vertigo, comes, et effectus talis actionis abnormis, hanc sententiam confirmant.

Quando apoplexia ex diathesi hydropicâ oritur, semper medicamentis catharticis, diureticis et vesicatoriis, sananda est.

Quando hic morbus producitur vapore carbonum, halitibus mephiticis vel narcoticis, alio modo tractandus est. Æger in aëra liberum, frigidum, statim deferatur; totum corpus aquâ frigidâ aspergatur, vel potiùs lavetur: his remediis deficientibus, primò injectiones validiores et detractio sanguinis, posteà stimulantia fortiora, usurpentur. Si venena narcotica in ventriculum recepta sint, et vomitus sponte supervenit, promovendus est; sin minùs, drachmâ dimidiâ sulphatis zinci in aqua solutâ provocetur; verùm si effectus nocivi adsunt, antequam vomitus excitari potest, tunc emetica inutilia et lethi-

fera

fera forent, itaque primò enemata acerrima et detractio sanguinis, ad accumulationem fluidorum in capite vel pulmonibus removendam adhibeantur; posteà ad stimulantia, diluentia, corrigentia, præcipuè ad acida vegetabilia, confugiendum est. In alterutro casu, aliis remediis sæpè æger exsuscitari potest, etiamsi nulla vitæ signa adsunt, imprimis calorem corporis naturalem revocando: ad hunc finem obtinendum, totum corpus, capite excepto, in balneum calidum immergendum, et ibi diu detinendum est : pulmones aëre per nares vel os implendi sunt. Hic aër ad respirationem imitandam, per longum tempus, vicissim inflari et exprimi debet. Intereà, injectiones acerrimæ, frictiones validissimæ, et electricitas, circa cor, sub forma succussionum modicarum, usurpandæ, stimulantia volatilia et spirituosa calida in stomachum infundantur, et variis partibus externis, præcipuè naribus, admoveantur; verum hæc medicamenta stimulantia, præsertim internè, tantum parvis portionibus sæpè iteratis, adhibenda, ne scintilla vitæ relicæ ex-

hausta

hausta esset. His remediis animosè et constanter adhibitis, mortui per horas vel diem, frequenter ad vitam revocantur. Semper in soporosis exsuscitandis, a nicotiana sub quavis forma, sicut vitæ adversissima, cautissime abstinendum est.



sum hace medicaments stimulantia, presenting